

蒙兀兒史記

結一宦主人自題

拾貳

題

二趙三王何杜列傳第三十八

蒙兀兒史記第卷五十六

武進屠 寄簪

趙迪。真定藁城人。金末。偕縣人董俊以挽強應募。郡守署迪真定縣尉。調尉藁城。陞丞。與董俊同降蒙兀。久之。同知永安州匡國軍節度使事。從破真定。入城。棄得藁城男女千餘。諸將欲分之。迪曰。是皆我所獲。當以歸我。旣而悉縱之。曰。吾懼若爲它將所得而奴汝也。衆泣謝去。兵後。暴骨盈野。迪爲大冢收瘞之。遷節度使。蒙格汗二年。王子卒。年七十。子椿齡字壽卿。襲父職。匡國軍節度使。行藁城丞事。尋遷令。有甲乙二人共飲。甲返。乙不知所往。其家疑甲殺之。已誣服。椿齡以不得乙屍。緩竟其獄。踰月。溱沱冰釋。而屍出。乃醉後自墮死也。甲誣始白。一縣服其詳慎。遷西京路總管。兼大同尹。詔采民女實掖庭。椿齡上言。山西距京師遠。無巨室。民間子女率寒陋。不足充內廷灑掃。徒令嫁娶失時。非朝廷盛舉。同列不敢署名。乃獨奏之。事竟報罷。改南京路總管。兼開府尹。未行。太

子真金領中書令。留爲兵部尙書。未幾改戶部。又改禮部。建言省部用人。率徇私情。匪獨名器日濫。且職仕途奔競。無忌憚者。至遮乘輿自慙。此風不可長。時論難之。至元十七年。出爲陝西漢中道提刑按察使。明年。改荆湖北道宣慰使。二十八年卒。年七十有三。子獻。江州總管。

趙瑄。蔚州飛狐人。父崑仕金帥府評事。兄珪亦爲金將。守飛狐。歲庚午。崑卒。珪輦母如蠡州。留瑄飛狐。瑄自幼不羈。喜習武事。癸酉。成吉思再駕南伐。先鍵開道取飛狐。城中不知所爲。瑄詣縣進降議。衆從之。丁丑。國王朮合黎駐兵桓州。署爲百戶。從攻蠡州。將登陣拒守。飛礮擊殺國王愛將石抹也先。王怒。誓屠其城。瑄因母兄在城中。泣請以身贖一城之命。王不許。再三哀請。始許。城下之日。聽瑄入。其母兄免之死。舊傳謂國王義而免之。非事實。從攻彰德。薄其門。死士突出。

流矢中瑄鼻側。鏃出腦後。拔矢再戰。七日。竟破其城。事在行省論功。承制授冀州都元帥。佩金符。金平舊術虎字瑄以讓其兄珪。從之。別授瑄軍。

民總管。稍遷易州荅魯合臣。佩金符。驍歌互汗渡河伐金。璫自易
輸矢二十萬發於行在所。汗大喜。命權中都行省事。癸巳。趙揚據
興州叛。璫進軍平之。遷中山真定二路荅魯合臣。中統初。詔立十
路宣慰司。璫使順天路。至元元年。轉淄萊路總管。六年。調大原路。
十一年。陞燕南河北道提刑按察使。十四年。移河南道。十六年。致
仕。明年卒。年八十有三。皇慶初。贈太保。儀同三司。上柱國。定國公。
諡襄穆。二子。秉溫。秉正。秉溫事忽必烈汗潛邸。奉命受學於劉
秉忠。從征大理。中統初。行右三部尙書事。至元七年。監起朝儀。閱
試稱旨。授尙書禮部侍郎。知侍儀司事。明年。改祕書少監。十九年。
遷昭文館大學士。知太史院事。兼侍儀使。授時曆成。賜鈔二百挺。
加中奉大夫。二十九年。領編國朝集禮成。特命其子慧襲侍儀使。
秉溫尋卒。皇慶初。贈金紫光祿大夫。司徒。雲國公。諡文昭。慧後官
至昭文館大學士。秉正。字公亮。初爲新軍上千戶。忽必烈汗自
鄂乘傳還燕。舊傳云璫迎謁定州。汗爲下馬。卓帳延見。璫進奉牛酒。

秉正從拜於後。汗偉其貌。命入宿衛。後從伯顏平宋。賜金符。授徽州路管軍總管。改僉江西湖東道提刑按察司事。豐城尹張甲夤緣東宮。近侍得官。貪暴。秉正按之。張怒曰。吾受東宮教旨者。秉正詰之曰。東宮教汝虐民耶。然吏不敢書其獄。秉正曰。第書之。卽有辜。吾獨受。必不累汝等。卒論如法。行部所至。迎劉辰翁。鄧光薦諸老宿會於學宮。命諸生師事之。移僉漢中道。謝病歸。二十八年。起僉河東道按察司事。鐵穆耳汗卽位。擢南臺治書侍御史。大德五年。改江東道廉訪使。卒年六十有七。諡忠敏。

王善。字子善。真定藁城人。曾祖珪。祖福。並不仕。父增。金季監本縣酒稅。以孝行稱。善雄偉。音吐若鐘。多智略。閑騎射。貞祐南遷。河朔土田荒蕪。人無所得食。善曲求甘旨以奉母。伯父歿。廬墓數月。歲乙亥。荐饑。人相食。盜賊蠭起。善謂里人曰。今茲喪亂。我輩不相保聚。人且魚肉我。衆因推爲長。善課人種禾三頃。比熟。將刈。羣寇思攘。善備禦有方。竟微遺秉。金帥府擢主本縣簿。戊寅。權中山治中。

時金遙授武仙河平軍節度使鎮真定

李治所撰善神道碑稱仙為真定總管按金無總管依金史仙本傳校正

仙

忌善難馭密令知中山府事李濟府判郭安圖之乙卯秋八月濟

安張宴召善計事善甫入儀門見庭內有伏甲形樓上一卒遽卷

紅旗納弼中覺有異以忘帶信牌給眾還取亟集兵倉卒得八十

人忼慨與盟帥以攻殺濟安其眾四千迸散善使諭之曰釁由李

郭爾曹無預去畱唯所欲於是無極趙簿鼓城周簿同日來埒善

曰公等且去須我事定來未晚也夜卧北城上諭麾下曰勿以我

故累而家可持吾頭獻帥府眾譁曰公曷為出此言吾屬願效死

翼日善遂帥眾來歸

碑傳此下有賜金符三字按劉伯林最先降其賜金符在西京攻下之後豈有初降即賜者

命同知中山

府事是年十一月以兵三百襲武仙於真定仙倉卒拒戰不勝走

獲鹿

碑傳皆稱仙道精銳二千拒戰善禽斬之殊非事實且是役主棄城軍者董俊碑傳掠美歸善

使其倖段琛城守浹旬善益

兵攻拔之入據其城庚申武仙降

碑傳誤以為癸未事

遷中山真定等路招討

使右副元帥加驃騎衛上將軍移屯橐城壬午行元帥府事癸未

進金吾衛上將軍左副元帥

舊傳右副據閣復撰王慶端碑改正時蒙兀猶沿金制尙左故先右後左也

乙酉武仙

殺史天倪以眞定叛。帥衆攻橐城。火及西關。善出戰卻之。追三十里。仙使其提控宋元俘老弱四千以南。善躡之。及諸高邑。奪之以還。俾復故業。自己卯以後至此所有兵事善與董俊同其不同者如右餘參俊傳自知之其後仙棄眞定西。辟抱犢。

又被諸軍圍亟。夜縱數騎奔河南。其偏裨多來歸。聽約束。丙戌。論

前後功。賜金符。

舊作賜金虎符。按蒙古兵制。萬戶或長一道者。賜虎符。善所將才數百人。不應佩虎符。

行元帥府事如故。

有劇盜傅二者。喋血旁郡。善親督捕殲之。遠近大悅。壬辰。從大軍

渡河。徇地。至鄭州。將馬伯堅素聞善名。登陴呼曰。橐城王元帥在

軍乎。願以城降之。善免胄與語。詰旦。伯堅果帥父老縑素千人饋

牛酒。開門降。善下令軍中。秋豪無犯。城中按堵。師還。流民願從北

渡者以萬計。分處田里。若歸故居。丙申。改同知眞定府事。兼河北

西路兵馬副都總管。辛丑。遷知中山府事。屬縣新樂當衝道。民困

於役。善移文均之。它屬遇急徵未集。輒出家貲貸輸。癸卯。

大皇后稱制之二年

卒。年六十有一。善爲將三十年。未嘗殺降。其破眞定而還中山也。

治中李全叛。應武仙閉門不納。以計破平之。猶釋不誅。其它可知。

軍律嚴其下有盜人一釵折人一樹者必痛繩以法晚年受佛戒

於僧行秀號萬松老人亦耶律楚材之師館前學士王寂於家以教諸子皇慶初贈銀

青榮祿大夫司徒冀國公諡武靖子男二十一人長慶淵攝父職

以千戶從征淮南卒於軍次慶源征行千戶碑傳皆作千戶世系圖碑作萬戶次慶溥

某州路治中次慶滋次慶祥韶州路總管府判次慶治次慶洋奧

魯千戶次慶昌次慶澤晉州酒稅提領次慶基蚤世次慶端次慶

潤從釋氏次慶脩為道士次慶渥次慶某兩碑並泐下一字次慶洪定州口

口次慶崇次慶川次慶延次慶衍充提舉次慶洵慶端字正甫

善第十一子也早孤能自樹立諸兄已襲世職慶端始被府檄為

筦庫署水軍提領中統三年以水軍敗李璫軍老倉口閩碑舊傳並作老僧口它傳或

作老鶴此依阿刺罕傳以功擢千戶佩金符至元八年監築大都城版築方新數

為霖雨所墮或議輦石運甓為固慶端曰車駕時巡兩都歲以為

常未間有不虞且聖王自有金城奚事重勞民力遂獻葦城之策

從之費省不貲事竣第勞賞固辭且言其事有顏進遂擢進千戶

別賜慶端銀鈔。伯顏等大軍渡江之歲。淮南未下。師駐新城。

淮東都元帥傅

之師遣將分守清口。慶端爲之副。城中卒不滿數百。老疾居半。宋人

偵知。乘閒來攻。主將戰死。敵燬門將入。慶端樹柵禦之。撫劍誓衆曰。丈夫捐軀報國。此其時矣。士皆感激。人百其勇。先以老弱立幟。城上擊鉦揚言援兵至。躬帥銳卒開柵出戰。時疽發在臂。擁腫不便。執兵自拔佩刀割潰膿血。裹創疾鬪。敵乃敗退。而連水浮雲盜賊蠭起。又擊走之。屢中流矢。不恤也。以功加武節將軍。管軍總管。河平王昔里吉叛。十四年。扈駕狩上都之北。爲伯顏和林軍聲援。還拜右衛親軍副都指揮使。十六年。進侍衛親軍都指揮使。先是衛兵從駕還大都駐冬者。率僑寓民間。靡有定所。慶端相南郊隙地。建營曰威武。起廬舍。畫井邑。規爲屯田。作閱武堂。命曰整暇。以時訓練。教以蹶張之技。選其精銳曰神鋒。謂武器不可不堅。壽爲函矢之局曰犀利。疾病不可不治。爲醫藥之局曰康濟。設倉廩以儲軍糧。浚溝渠以資灌溉。僦屋取直。以佐軍需。公廨列肆。自爲軍

市內嚴紀律。外不擾民。諸衛取法焉。是役始興。衆頗憚勞。慶端不以爲疑。及其成功。靡不稱善。十九年。置詹事院。以本官兼詹事丞。時威武屯田歲收豐羨。儲峙山積。牧民官欲就假粟數萬石。以濟飢民。事聞於東宮。皇太子眞金以問慶端。對曰。兵民一也。寧有彼此。卽日貸與。二十三年冬。大會藩鎮諸王。慶端典禁衛。一夕。忽必烈汗遣近侍出覘。爲警夜者所遮。近侍告以有旨。曰。吾屬知有王將軍令。不知其它。近侍還以聞。汗賞黑貂之裘。旌之明年。親征乃顏。慶端帥所部從。時年六十餘。猶與士卒同甘苦。晝則環甲執兵迎敵。夜卧不敢解甲。乃顏旣誅。餘黨哈丹句也不干等。倣擾於北。皇孫鐵穆耳畱討之。有旨命慶端將衛兵而南。慶端自以東宮臣。願從皇孫北征。時眞金雖外詹事院。未廢慶端詹事丞。如故。閣撰慶端神道碑云。東寇旣除。大駕狩北邊云云。按東寇指乃顏。大駕指皇孫鐵穆耳之駕。是碑立於大德十年。故其稱謂若此。北邊指上都之北。兀魯回貴列河等地。及北邊粗定。從皇孫俱還。鐵穆耳汗卽位。改東宮曰隆福宮。奉太后居之。詹事院爲徽政院。掌太后宮政。侍衛都指揮司爲隆福宮左右都威衛司。以慶端有翊戴功。拜金吾

衛上將軍中書左丞行徽政院副使兼隆福宮左都威衛指揮使
元貞初換文階資德大夫大德二年進榮祿大夫平章政事行僉
書樞密院事仍兼徽政副使左都威衛指揮使尋引疾汗知其貧
賜鈔三萬貫爲醫藥資八年十二月卒年八十皇慶初贈推忠宣
力功臣太傅開府儀同三司上柱國冀國公諡忠武至治間加贈
太師恆陽王益功臣號同德二字子桓銀青榮祿大夫遙授平章
政事行同知徽政院事左都威衛指揮使太子詹事丞致和末燕
鐵木兒稱兵大都桓以東宮官見忌與左丞朵朶等同被執下獄
圖帖睦爾汗立籍產謫戍天曆二年徵還放歸田里

王玉趙州寧晉人祖進父守忠竝不仕王長身駢脅多力金季聚

衆自稱萬戶時號長萬戶

金無萬戶唯有猛安且限國人主之萬戶必非朝命

據趙州來埵趙州在金爲沃州

木合黎命領所部從下邢洺磁及濟南府已復從攻澤潞潞堅壁
不下玉力戰流矢中左目竟拔其城又從破平陽下太原汾代等
府州師還署元帥左監軍以趙州四十寨隸焉武仙之殺吏天倪

以眞定叛也。宋將彭義斌在大名遙爲聲援。王從國王先鋒元帥

肖乃台

舊傳笑乃鰥

及史天澤擊走仙。竝逐殺義斌。駐軍寧晉東里寨。仙

遣人齎金誥命至玉家。誘其妻使勸玉降。玉妻拒不受。仙以兵圍

之數帀。殺其子寧壽。玉聞之。領數十騎突回解其家圍。殺敵過當

而還。仙使人追之。莫敢進。皆曰。王將軍膽氣驍雄。我輩非其敵也。

仙忿甚。盡發玉先世二十七冢。棄骸滿道。玉從史天澤等擊之。趙

州仙糧絕。走雙門寨。圍之。會大風揚塵。仙單騎脫走。斬其裨將四

十三人。眞定遂平。加懷遠大將軍。權眞定等五路萬戶。

時史天澤出征故命玉權府事

假趙州慶源軍節度副使。民有負西域賈胡息錢。倍其母不能償

者。玉出私家銀五千兩代償之。又放俘奴二百餘口爲良民。中統

元年卒。年七十。子忱。忱字允中。讀書有才識。用平章趙璧薦。宿

衛皇太子東宮。主會計錢穀。至元十七年。出爲山北遼東道提刑

按察司副使。時駙馬伯忽里

疑即公主表世祖文昌國公主吾魯真之駙馬李花譯文互異

縱其投下鷹坊馳

獵蹂民田。忱以法繩之。跡遂斂。憲吏耿熙希平章阿合馬掊克愾。

訐北京路宣慰使積逋官鈔二十萬挺。忽必烈汗遣使鉤考。熙懼失實。擅於制語中增并打算大小一切諸衙門等事十二字。逮繫官吏至百餘人。忱驗知其詐。抵熙臯。二十四年。量移河北河南道。時南北旣一。荅刺罕軍掠江南子女鬻北方。名爲養子。實則奴也。忱建議禁止。從之。潁人朱喜嘗被俘。奴於人。其主以其難於奴也。聽自贖。集鄉胥里長署券免之。隸潁軍籍已久。喜家火。其故主之子意喜券燬。復欲勒爲奴。而券故在。喜持懇。又有兵豪狀懇帥府。誣息州民汪清爲亡奴。殺而奪其孥產。清子成逸出。懇之民官軍民兩署文移往來。訟久不決。忱稽清占息籍以歲壬寅。其奴亡以甲辰。喜券足徵。白之鎮南王府。誣人者皆屈。以是劾罷鎮南帥唐兀台。唐兀台結援近侍。誣奏忱徇私妄斷。制下中書。遣使收忱按問。忱疏臺請間。有旨馳召廷對。事乃白。汗說曰。是人非素餐者。敕省臺燕慰還職。抵唐兀台臯。二十七年。按察司改廉訪司。忱移副燕南河北道。河閒鹽司盜印鈔十餘萬。忱覈正其臯。諸王分地恩。

州以錢貸民。倍其息。忱令子母相當則止。踰者有罰。先是以民入兵。限私田四頃。優其家。忱曰。國家取中原以來。兵無寧歲。今海內雖定。征戍遠方。一兵歲費。不啻千緡。區區限畝。豈易充給。在民編者。守令猶歲差貧富。以均力役。一入戎行。永不可變。請增田額。使無飢寒內顧之憂。不報。其後兵力日竭。乃敕樞密召忱等會議。以眞定順德廣平等路委忱料簡。得富民數百家充兵。兵之貧者還民伍。人服其平。三十年。遷嶺南廣西道廉訪使。疾不赴。元貞二年。起爲河東山西道廉訪使。五臺山建佛寺。省臣擇幹吏工部司程陸信董其役。驅民夫數千入山伐木。天寒。死亡太半。忱言於隆福太后。減其役。仍恤死者家。民德之。宗王阿只吉分地河東。其左右哈塔不花倚勢虐民。忱按其臯。已款伏。王爲之請。忱不允。會車駕北巡。哈塔不花亡走。懇忱不法。敕中丞崔彧問之。彧俄卒。哈塔不花又上懇。敕省臺官同鞫之事。皆不實。抵哈塔不花臯。大德三年。遷江陵路總管。不行。改汴梁路。河淩原武。回回礮手居鄢陵者萬

餘戶。忱督使趨工。不數日隄成。民尤頌之。至大三年。拜雲南行省參知政事。未行卒。年七十有九。贈河南行省參知政事。護軍。太原郡公。諡憲穆。忱雖司憲四方。乃心皇室。其在山北道時。間皇太子眞金薨。自以嘗爲宮臣。建言上春秋高。宜早建儲。平章不忽木以間。忽必烈汗韙之。

王義字宜之。亦寧晉人。

舊傳稱眞定寧晉人。按金元二史地志。寧晉金屬沃州。元屬趙州。並不屬眞定。

世農家。義有膽

智。沈默寡言。讀書略知大意。貞祐南遷。河朔盜起。縣人相與推義爲長。攝行縣事。尋號爲都統。木合黎徇趙義。開門納款。北覲成吉思汗。行在賜馬二匹。授寧晉令。兼趙州以南招撫使。時兵亂輟耕。所在人相食。寧晉東有藪澤。周百餘里。中有土堡曰瀝城。義曰。瀝城雖小而完。且有魚蒲菱芡之利。不可失也。畱偏將李直等守寧晉。身帥衆保瀝城。歲乙亥。金將李伯祥據趙州。木合黎遣義襲之。會大風雨。義帥壯士挾長梯疾趨往。夜四鼓至城下。四面同登。殺守陴者。城中亂。伯祥挺身走天壇寨。一州遂定。木合黎承制命義

知趙州事。兼趙冀二州招撫使。丁丑。大軍南取鉅鹿南宮二城。還

至唐陽西九門。遇金監軍納蘭帥冀州節度使柴茂下將校及兵

萬餘北行。

兵數未必如許之多。

義伏兵桑林。出百騎挑之。納蘭迎戰。義稍卻。誘

近桑林。伏起。金兵大亂反奔。獲納蘭二弟及萬戶李虎。戊寅。拔東

鹿。進攻深州。州將以城降。元帥張柔上其功。陞深州節度使。深冀

趙三州招撫使駐軍東鹿。武仙以兵號四萬來攻。大言曰。東鹿兵

少無糧。城無樓櫓。一日可下也。義隨方拒守。而月矣。一夕。召將佐

議曰。今城守雖固。外無援兵。糧且盡。不宜坐以待斃。乃椎牛饗士。

帥精銳三千。銜枚夜出。直擣仙營。仙軍亂。乘暗攻之。殺數千人。仙

帥餘衆遁還眞定。盡獲其軍資器械。木合黎聞之。遣使送銀符十。

命。義分賞有功。庚辰。拔冀州。獲柴茂。械送張柔行營。柔復上其功。

木合黎承制授義龍虎衛上將軍。武安軍節度使行深冀二州元

帥府事。佩金符。

舊金下衍虎字。

是歲。武仙降。乙酉。復叛。遣其將盧秀李伯祥

襲破趙。

舊傳誤以盧李襲破趙州為辛巳年事。

并取瀝城。戰艦數百。沿流而下。

沿趙王河而下也。舊云沿江不訛。

義邀諸下流紀家莊。士卒生長水鄉。善水戰。回漩激盪。敵莫能枝梧。溺死者千餘人。秀就禽。伯祥退保瀝城。義引兵拔之。伯祥西走。其二子死焉。邢州盜號趙大王者。聚衆據任縣固城水寨。眞定帥史天澤集諸道兵攻之。不克。甲午。義以水師薄其寨。一鼓下之。獲趙大王詹縣令等數人。殺之。餘黨悉平。義乃下令招集流亡。勸課樹藝。深冀之間。遂爲樂土云。

舊傳止此。無可斟補。

何實字誠卿。北京路人。曾祖搏霄。雄於財。好施子。鄉里稱善人。祖鼎敬。父道忠。仕金北京留守。實少孤。依叔父以居。比長。通北族語。驍勇善騎射。歲甲戌。錦州張鯨自稱臨海王。遣使納款於成吉思汗。舊傳誤以爲乙亥事。明年。奉命南征。以逗撓誅。其弟致遂僭號。致始以叛謀於實。實嚴拒之。曰。天意將興蒙兀。逆天不祥。徒自斃耳。丙子。籍戶一萬。募兵三千。來歸。木合黎與論兵事。拊髀歎賞。引見成吉思。獻軍民之數。汗大說。賜鞞劍一。命從木合黎充前鋒。討致。遇賊於神水。挺身陷陳。殺三百人。以功奏賜鞍馬弓矢。擢帳前軍馬都彈壓。